



Indgået

Inatsisartuni ilaasortaq,
Mala Høy Kuko, Atassut
-/ Her

10 FEB. 2017
NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqquteqaammur nr. 2017-54-imut tunngasumut akis-sut

08-02-2017
Suliap normua
Allakkat nr. 4520327

Inatsisartut suleriaasianni § 37-mi imm. 1 malillugu Naalakkersuisunut apeqquteqaateqarputit. Apeqqutit uanga suliaasaqarfigisannit akineqartussanngorlugit innersuunneqarput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1. Naalakkersuisut "piniarnermut aalisarnermullu nakkutilliisut" "naammammata" atorfiit ilanissaannut pilersaaruteqannginnerat qanoq itisilernerqarsinnaava? Naalakkersuisut isumaqarpat nunatsinni piniarnermut nakkutilliisut sineriarujussuarput naammattumik nakkutigigigaat?

1-imut tunngatillugu akissut:

Pissusiviusut malillugit piffissaq tamaat sineriak tamakkerlugu nakkutilliisunit najorneqarsinnaanngilaq. KANUAANA'p misilittagaqarfigaa missingersuutit atugassarititaasut malillugit nakkutilliinerup annertunerpaaffissaa anguneqarsinnaasoq nakkutilliisooqatigiit qitiusumik sullissivinnut amerlanngitsunut inissisimappata, suleqatinit siunersioqatigiinnissamik piginnaasanillu amerlanerusunik iluaquteqarnissamik periarfissaqarluni tassanngaanniillu sineriammi illoqarfanni nunaqarfanni nakkutilliinermik paasisitsiniaanernillu ataqatigiissaarisooqarsinnaasoq unioqqutitsisoqarsinnaanera aallaavigalugu sumiiffillu annertunerpaamik unioqqutitsiffiusinnaasut unioqqutitsinerillu sakkortunerpaamik kingunipiloqarsinnaasut aallutissallugit. Aaqquissuussisimaneq taanna nakkutilliinermik aaqquissuussamut 2014-imi akuersissutigineqartumut kingornatigullu piviusunngortikkiartuarnaqartumut tunngaveqarpoq.

Aningaasat atugassarititaasut iluanni nakkutilliisooqatigiinni atorfeqartut amerlassusaat naammappoq, piniarnermik aalisarnermillu nakkutilliisut aamma aalisarnermik nakkutilliisut katillugit 17-18-it miss. Nakkutilliisut aallaqqaammur amerlisissinnaanerannut killiliisoq pingaarnerpaaq tassaavoq, sulisorisinnaasat ingerlatsinermut aningaasartuutitut naapertuutinnginnerat; ilaatigut angalanissamut atortunillu aserfallatsaaliuinermit matussusiinerit, imaappoq pingaarnertut nakkutilliisut angallataat. Naalakkersuisut aningaasat atugassarititaasut nakkutilliisooqarfiup sulineranut naleqqiullugit nalilersortuarpaat nakkutilliinerlu naammattumik ingerlanneqartoq isumaqarlutik. Taamaattoq Naalakkersuisut ilisima-

vaat sumiiffiit aalajangersimasut piffissap ilaani nakkutigineqarnerat annertunerusariaqarsinnaasoq. Taamaattumik pingaartuuvoq soorlu qulaani taaneqartoq unioqqutitsisoqarsinnaanera aallaavigalugu nakkutilliineq ingerlanneqartarmat.

2. Naalakkersuisut qanoq ilillutik "illersorsinnaavaat" Ummannami nakkutilliineq Ilulissaniit allaniillu isumagineqartoq? Naalakkersuisut isumaqarpat tamakkiisumik naammaginatumillu nakkutiginnittoqartoq?

2-mut tunngatillugu akissut:

Ummannap kangerlua angisuupilussuummat KANUAANA isummerpoq sumiiffimmi ataavartumik nakkutilliisulernissaa nakkutilliinermi suliaannut pitsaanerulersitsinavianngitsoq, soorlu siornatigut taamaattoq tassami atorussat ator-neqarsinnaasut eqqarsaatigalugit inuup ataatsip sumiiffik tamaat toqqissisimanartumik nakkutigisinnaanngimmagu; inuit amerlanerusut matumani suleqatigiinnissaat pisariaqarpoq.

KANUAANA'p ataavartumik nakkutilliisut inissisimanerat malinnaavigai nalunaarusiat paasissutissallu tigussaasut tunngavigalugit annerusumik pisariaqartitsisoqarneraq. Ataatsimut isigalugu oqartoqarsinnaavoq Ummannami suliniuteqarneq ukiuni kingullerni annertunerulersoq, tamaanilu ukiup ingerlanerani nakkutilliinerit paasisitsiniaanerillu amerlanerusut ingerlanneqartalerlutik. Taamakkua ilaatigut Arktisk Kommando'p angallatai nakkutilliissutit atorlugit ingerlanneqarput, soorlu aamma Qeqertarsuup Tunuani Upernavimmilu ataatsimoorussilluni nakkutilliinermik ingerlatsisoqarsimasoq, AKO KANUAANA-mi avataasiorluni aalisarnermi alapernaarsuisut nakkutilliinermilu suliaanni allani aamma ikiuisarpoq.

3. Sooq kontrollør-it kisimik amerlisarneqartut? Kiap politikikkikut tamanna aalaja-ngeramiuk? Naalakkersuisut isumaqarpat tamanna illersorsinnaasoq?

3-mut tunngatillugu akissut:

Nakkutilliinermi aaqqissuussaq nutaaq 2014-imi akuersissutigineqartoq malillugu KANUAANA-mi nakkutilliisooqatigiit ataatsimoortinniarlugit sulisoqarpoq, suliaannut eqaatsumik suleqatigiinnikkullu isumagineqartussanngorlugit taamaalilluni piginnaasat arlallit ataatsikkut iluaqutigineqarsinnaasunngortillugit.

Piniarnermik aalisarnermillu nakkutilliisooqarneq atuutilersinneqarnerata kingorna suliaannut amerlassusaannut suussusaannullu tunngatillugu annertuumik ineriartortoqarsimavoq. Suliaannut ingerlanneqarnissaat pillugu ilisimasaqarnermut piumasaqaatit annertupput kiisalu aqutsinermi suliaannut amerlasuunut ilisi-

masaqarnissaq. Taamaattumik tulleriarinermi KANUAANA-mut assut pingaaruteqarpoq piniarermik aalisarermillu nakkutilliisunik ilinniartitseqqinnissaq – kiisalu nakkutilliinermi sulisut allat aamma – aalisarermillu nakkutilliisunik ilinniartitsineq matumani pingaarutilittut isigineqassalluni.

Taamaattumik piniarermik nakkutilliisut aalisarermik nakkutilliisut ilinniartitaaneq naammassigunikkut suliasat siornatigut suliarisartakkatik ingerlatiinnartussaavaat, kisianni piukkunnaatimikkut piginnaasamikkullu qaffasinnerusumik angusaqarsimassallutik.

Inussiarnersumik inuulluaqqusillunga


Hans Enoksen